

aliisque confecta, & tempore Pestis collo ap- *De amule-*  
 pensa, maximam ad præseruationem vim ha- *tis in Peste.*  
 bere, non est quòd dubites. COSMAS SLOTA-  
 NVS Illustriss. Cluiacensiu &c. Principis Chi-  
 rurgus longè celeberrimus, Præceptor meus  
 fidelissimus, magni semper ea solebat facere,  
 maximamq; ac longam eorum se habere expe-  
 rientia, nò rarò mihi affirmavit, eaque cuiusuis  
 ætatis hominib. appendebat. Ego quoque po-  
 stea nò rarò cum fructu iis vsus sum. Sed quid  
 sentis de vsu muria in Peste? Nouissæ ad Rhe-  
 num ciuem quendam Taschenmacherum no- *De muria*  
 mine, Iurisconsultum cognoui, qui me præsen- *in Peste.*  
 teretulit, se maximo cū fructu domesticis suis,  
 & amicis, muriam in peste sæpissimè exhibuis-  
 se. Accipiebat autem muriam carnis porcinae,  
 eamque ad ignem in lebete coquebat, & pro-  
 bè despumabat, donec ab omni immunditie &  
 sordibus expurgata esset, postea eam in vas  
 fictile infundebat, in coque relinquebat, vsque  
 dum refrixisset, tū in ampullis benè clausis,  
 eam conseruabat, & non nisi post annum ex-  
 hibebat. Quamprimū autem aliquis pe-  
 ste correptus esset, haustum huius muria ei  
 propinabat, & vt in lecto sudaret, ab omni que  
 alio potu, per horas aliquot abstineret, iniue-  
 rit. Retulit, hoc genus remedij, in nonnullis  
 per sudores, in aliis per vomitum, in reliquis  
 per aluum, aut per vomitum & aluum simul,  
 tam affatim euacuare, vt maior pars eorum, qui  
 illud sūperint, sanitati restituta fuerit. Ego ta-  
 men nūquam periculum feci, neque facere au-  
derem, nisi tuam sententiam hac de re prius